



---

# **KERATAN AKHBAR DAN MEDIA ONLINE UNTUK MAKLUMAN :**

**Y.B. MENTERI  
Y.B. TIMBALAN MENTERI  
Y.BHG. KSU  
Y.BHG. TKSU (PDN)  
Y.BHG. TKSU (PUP)  
SETIAUSAHA AKHBAR**

---

**11 MAC 2022 (JUMAAT)**



KEMENTERIAN PERDAGANGAN DALAM NEGERI  
DAN HAL EHRAL PENGGUNA

---

---

# **KERATAN AKHBAR DAN MEDIA ONLINE (KPDNHEP)**

---

---

**11 MAC 2022 (JUMAAT)**

# Lotus's Malaysia lengkapkan penjenamaan semula

**PETALING JAYA:** Lotuss Stores (Malaysia) Sdn. Bhd. (Lotus's Malaysia) rangkaian pasar raya besar terkemuka di Malaysia, mengumumkan bahawa ia telah menyelesaikan penjenamaan semula 62 bekas stor Tesco dan penggunaan platform teknologinya untuk melahirkan keceriaan SMART pada setiap hari kepada pengguna.

Menurut Lotus's, pelancaran nasional rasminya telah disempurnakan oleh Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi di Lotus's Ampang, semalam.

Jelasnya, Lotus's juga memperkenalkan platform baharu dalam talian Lotus's yang menggabungkan kedua-dua program kesetiaan dan platform dalam talian Lotus's ke dalam satu aplikasi, memberikan pengguna pengalaman phygital yang menarik dalam membeli-belah.

Presiden Lotus's Malaysia, Kenneth Chuah berkata, adalah menjadi visi syarikat untuk menceriakan para pelanggan dengan memberikan kemudahan lebih baik dan pengalaman membeli-belah yang diperibadikan.

"Dengan menggabungkan kedua-dua program kesetiaan MyLotus's dan platform dalam



**ALEXANDER** Nanta Linggi (tengah) menekan butang pelancaran rasmi penjenamaan semula bekas stor Tesco di Lotus's Ampang, Selangor, semalam.

talian Lotus's, pelanggan boleh membeli-belah dengan kami dalam talian dan serta-merta mengumpul mata dan menebus ganjaran mereka menggunakan Aplikasi Lotus's yang baharu ini.

"Dengan kemajuan dalam teknologi maklumat, kami akan lebih dilengkapi dengan data untuk memahami keperluan pelanggan kami dan menyesuaikan promosi dan ganjaran kepada individu walaupun mereka tinggal dalam sebuah rumah yang sama untuk memberikan

pengalaman membeli-belah yang lebih diperibadikan," katanya dalam kenyataan.

Jelasnya, Lotus's pada masa ini turut mempunyai Aplikasi Scan & Shop untuk membolehkan pelanggan mengimbas sendiri barangan yang hendak dibeli di stor.

"Ini membolehkan pelanggan menjejaki perbelanjaan dan mengurus belanjawan mereka. Lorong khusus untuk pembeli Scan & Shop juga disediakan untuk mempercepatkan proses

pembayaran dan memendekkan masa beratur," jelasnya.

Lotus's buat pertama kalinya diperkenalkan di Malaysia pada Februari 2021 dengan transformasi tiga bekas stor Tesco.

Awal tahun ini, syarikat itu juga telah memperkenalkan dua lagi stor baharu iaitu Lotus's Pulai Hartamas di Ipoh, Perak dan Lotus's Bandar Puteri Jaya di Sungai Petani, Kedah. Lotus's kini mempunyai 64 buah stor yang sedang beroperasi di seluruh Semenanjung Malaysia.



# Jabatan Kimia analisis sampel sotong *ring*

Didakwa dibuat daripada dubur atau usus babi

Oleh RAIHAM MOHD SANUSI

KUALA LUMPUR



ALEXANDER

Jabatan Kimia sedang menganalisis sampel gegelang sotong (sotong *ring*) yang dijual di pasaran yang didakwa dibuat daripada dubur atau usus babi.

Menurut Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, beliau difahamkan Jabatan Kimia sedang membuat ujian terhadap sampel sotong *ring* yang telah di-

ambil itu.

Jelas beliau, Kementerian Perdagangan Dalam Negeri dan Hal Ehwal Pengguna (KPDNHEP) turut melakukan siasatan berhubung kes tersebut susulan aduan yang diterima.

"Kita sedar perkara ini mengundang keresahan kepada orang ramai di luar sana.

"Jadi kami buat siasatan. Bagaimanapun berkaitan soal halal atau tidak halal (produk itu) ia berada di bawah (bidang kuasa Jabatan Kemajuan Islam (Jakim)," katanya.

Beliau berkata demikian pada sidang akhbar selepas melancarkan penjenamaan baharu Pasar Raya Lotus's Store (Malaysia) Sdn Bhd (Lotus's Malaysia) peringkat nasional di Pasar Raya Lotus's Ampang di sini pada Khamis.

Hadir sama, Ketua Setiausaha KPDNHEP, Datuk Seri Hasnol Zam Zam Ahmad dan Presiden Lotus's, Kenneth Chuah.

Minggu lalu, tular di Facebook mengenai dakwaan sotong *ring* yang dijual di pasaran dibuat daripada usus

babi dan dicampurkan dengan perisa sotong.

Melalu hantaran di Facebook, netizen turut meninggalkan komen meragui cop tanda halal yang dicetak di label bungkusan produk berkenaan.

Susulan itu, Jakim turut mengeluarkan kenyataan bahawa pihaknya dan beberapa Jabatan Agama Islam Negeri (JAIN) bersama KPDNHEP sedang menjalankan siasatan berhubung perkara tersebut.

Sementara itu, Nanta memberitahu, KPDNHEP

akan memantau dan menjalankan kawalan yang rapi untuk memastikan bekalan barang keperluan di pasaran mencukupi menjelang Ramadan dan Hari Raya Aidilfitri.

Menurutnya, menjelang Aidilfitri nanti, Skim Kawalan Harga Maksimum Musim Perayaan (SKHMMP) akan dilaksanakan sebagaimana kelaziman.

"Kita buat persediaan ini untuk mengelakkan apa-apa situasi yang membebankan rakyat," tegas beliau.



Assalamualaikum sahabat, nak share info, ni adalah dubur babi, nampak mcm sotong, ring dia besar dan putih, kalau sotong ada titik titik, takut terbeli, sekilo kat Perlis RM7.90, kat KL RM11, tpi tapi dlm plastik, so kawan kawan tak berani beli, tpi pandai depa letak tanda halal.

Sotong ring disebarkan oleh seorang netizen di media sosial yang didakwa dibuat daripada dubur atau usus babi.

## KPDNHEP tunggu laporan analisis produk gelang sotong

**Ampang:** Produk gelang sotong (sotong ring) yang didakwa diperbuat daripada dubur atau usus babi sudah diserahkan kepada Jabatan Kimia untuk dianalisis, Isnin lalu.

Menteri Perdagangan Dalam Negeri dan Hal Ehwal Pengguna (KPDNHEP) Datuk Seri Alexander Nanta Linggi berkata, pihaknya perlu menunggu laporan untuk mengetahui status produk berkenaan.

"Siasatan dilakukan selepas menerima aduan daripada orang awam. Setakat ini, dua kertas siasatan sudah dibuka.

"Produk itu juga dihantar ke Jabatan Kimia dan dibuat ujian untuk pastikan kandungan. Selepas itu isu berkaitan halal atau sebaliknya akan diserahkan kepada Jabatan Kemajuan Islam Malaysia (Jakim)," katanya.

Beliau berkata demikian dalam sidang media pada

Majlis Pelancaran Penjanaan Baru Pasaraya Lotus's Malaysia di Lotus's Ampang di sini, semalam.

Turut hadir Ketua Setiausaha KPDNHEP Datuk Seri Hasnol Zam Zam Ahmad dan Presiden Lotus's Malaysia Kenneth Chua.

Sebelum ini, tular di Facebook mengenai dakwaan sotong ring yang dijual di pasaran diperbuat daripada usus babi dan dicampurkan perisa sotong.

Melalui hantaran di Facebook, netizen turut meninggalkan komen meragui cop tanda halal yang dicetak di label pembungkusan.

Sementara itu, ditanya mengenai bekalan barangan keperluan pada bulan Ramadan nanti, Alexander memberi jaminan bekalan adalah mencukupi dan pemantauan berterusan akan dilakukan KPDNHEP.

"Kita amat berpengalaman setiap kali tibanya musim

perayaan. Lazimnya, kita buat pemantauan untuk pastikan bekalan dan harga barangan terkawal.

"Begitu juga menjelang perayaan, kita ada Skim Harga Kawalan Musim Perayaan (SHKMP). Kita buat perseediaan elak berlaku situasi menyusahkan atau membantakan rakyat," katanya.

Mengenai Lotus's Malaysia yang dijenamakan semula daripada Tesco selepas diambil alih oleh CP Retail

Development Company Limited melalui pengambilalihan bernilai lebih RM44 bilion, beliau berkata, kini pasar raya itu antara pemain utama dalam sektor peruncitan dengan 64 cawangan seluruh negara.

Beliau berharap peralihan jenama itu akan membawa lebih banyak manfaat kepada pengguna dan dapat terus menyumbang terhadap pembangunan ekonomi negara.

## KPDNHEP mahu warta pelitup muka penuh piawaian kesihatan

**Kuala Lumpur:** Kementerian Perdagangan Dalam Negeri dan Hal Ehwal Pengguna (KPDNHEP) kini dalam proses mewartakan pelitup muka bagi memastikan hanya yang memenuhi piawaian kesihatan yang ditetapkan dijual di pasaran.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, berkata langkah itu penting bagi rujukan pengguna berikutan terlalu banyak pelitup muka di pasaran ketika ini tidak menepati standard kesihatan.

"Bagi pelitup muka, kami sedang memperhalusi dari segi jaminan kualiti yang sepatutnya sahaja dijual kepada orang ramai untuk mencegah penularan



COVID-19.

"Ia mesti menepati standard bagi kegunaan perubatan iaitu memiliki tiga lapisan. Selain daripada itu, ia bukan standard perubatan," katanya di Dewan Rakyat, semalam.

**Nasional 7**



# Teliti semula harga siling kit RTK-Ag

Dari Muka 1

BH pada 1 Ogos 2020 pernah melaporkan, terdapat pengilang pelitup muka di negara ini didakwa mengeksport produknya yang berkualiti ke luar negara berikutan harganya yang lebih tinggi, manakala yang berkualiti sederhana dan rendah dijual di pasaran tempatan.

Ini didakwa disebabkan kerajaan mengkategorikan pelitup muka sebagai barangan kawalan dan menetapkan harga siling RM1.50 sekeping ketika ini dan RM1.20 mulai 15 Ogos 2020 lalu.

Perkara itu didedahkan Presiden Persatuan Pengguna Subang dan Shah Alam (CASSA), Datuk Dr Jacob George, yang mendakwa menerima laporan daripada beberapa pihak sejak pandemik

COVID-19 bermula.

George berkata, beberapa isu berkaitan penggunaan pelitup muka tercetus selepas kerajaan memutuskan untuk mewajibkan penggunaannya di tempat awam, khususnya berkaitan kualiti yang dijual di pasaran.

Menurut garis panduan Pertubuhan Kesihatan Sedunia (WHO), untuk pelitup muka fabrik, lapisan paling dalam perlu menyerap air seperti kapas; lapisan tengah perlu dihasilkan daripada bahan polipropilena tanpa jahitan yang bertindak sebagai penapis; dan lapisan luar perlu kalis air seperti poliester.

WHO turut menyarankan pelitup muka perubatan pula digunakan petugas kesihatan, individu tidak sihat, yang menunggu keputusan COVID-19 atau di-

sahkan positif, dan mereka yang menjaga individu disyaki atau pesakit COVID-19.

Dalam perkembangan berkaitan, Nanta ketika menjawab soalan asal Cha Kee Chin (PH-Rasah) pada sesi Pertanyaan Menteri memaklumkan, kerajaan juga sedang meneliti keperluan mengkaji semula harga siling untuk Kit Ujian Pantas Antigen COVID-19 (RTK-Ag) di pasaran yang dilihat antara barang keperluan rakyat ketika ini.

Ketika ini harga ditetapkan pada peringkat runcit ialah RM19, manakala RM16 pada peringkat borong mengikut Akta Kawalan Harga dan Antipencatutan 2011.

"Dari aspek keberadaan bekalan di pasaran, kerajaan mewariskan kit ujian pantas ini sebagai

barang kawalan di bawah Perintah Kawalan Bekalan (Barang-Barang Kawalan) (No.6) 2021 pada 24 November 2021 dan dikuatkuasakan pada 1 Disember lalu.

"Kita sentiasa memastikan bekalan kedua-dua barangan ini mencukupi dan mampu menampung permintaan tinggi, lebih-lebih lagi ketika ini," katanya.

Selain itu, beliau berkata, KPD NHEP bekerjasama dengan Pihak Berkuasa Peranti (MDA) Kementerian Kesihatan bagi memastikan hanya kit ujian yang diluluskan berada di pasaran.

MDA katanya, sudah menjalankan lapan serbuan dan 10 sitaan ke atas syarikat yang mengedarkan kit ujian tanpa kelulusan dan lesen sah, bagi memastikan hanya kit ujian menepati piawaian dipasarkan kepada pengguna.

**KIT UJIAN KENDIRI COVID-19**

# Teliti harga siling

Kuala Lumpur

**K**erajaan sedang meneliti keperluan mengkaji semula harga siling untuk Kit Ujian Pantas Antigen Covid-19 (Kit Ujian Kendiri) di pasaran yang dilihat antara barang keperluan rakyat ketika ini, Dewan Rakyat diberitahu semalam.

Menteri Perdagangan Dalam Negeri dan Hal Ehwal Pengguna Datuk Seri Alexander Nanta Linggi berkata kerajaanewartakan Kit Ujian Pantas Antigen Covid-19 sebagai barang kawalan di bawah Perintah Kawalan Bekalan 2021 pada 24 November tahun lalu dan telah dikuatkuasakan pada 1 Disember bagi memastikan keberadaan bekalan di pasaran.

"Kerajaan sentiasa mengambil kira keperluan dan kepentingan pengguna terutama dari aspek kecukupan bekalan di pasaran serta mendapatkan harga pelitup muka dan kit ujian sendiri pada harga yang tidak membebankan.

"Sehubungan itu, penguatkuasaan, pemeriksaan dan pemantauan oleh Bahagian Penguatkuasa KPD-NHEP (Kementerian Perdagangan Dalam Negeri dan



Kit Ujian Pantas Antigen Covid-19 di pasaran yang dilihat antara barang keperluan rakyat ketika ini.

Hal Ehwal Pengguna) sentiasa dilakukan ke atas item berkaitan di setiap peringkat seperti pengilang, pemborong dan peniaga," katanya pada Waktu Pertanyaan Menteri, semalam.

Beliau berkata demikian ketika menjawab soalan **Cha Kee Chin (PH-Rasah)** mengenai adakah kementerian akan mengkaji semula dan mengurangkan harga siling pelitup muka serta kit ujian sendiri Covid-19, seterusnya menetapkan harga siling oximeter dan penyukat suhu yang menjadi barangan keper-

luan ketika ini.

Menjawab cadangan Cha berkaitan penetapan harga siling bagi peranti oximeter dan penyukat suhu, Nanta berkata ketetapan harga bagi peranti itu akan dilaksanakan sekiranya perlu.

Menjawab soalan tambahan mengenai usaha kerajaan dalam mengawal kualiti barangan bagi pelitup muka dan Kit Ujian Kendiri di pasaran, Nanta berkata kementerian itu sedang memperhalusi perkara berkenaan bagi memastikan kualitinya bertaraf standard perubatan.

"Bukan sekadar harga sahaja (yang dipantau) tetapi juga kita ingin memenuhi kualiti. Perkara itu sedang kita teliti dan akan wartakan standardnya nanti.

"Berhubung dengan Kit Ujian Covid-19 tadi, sememangnya ia di bawah bidang kuasa MDA (Pihak Berkuasa Peranti Perubatan) di bawah Kementerian Kesihatan. Jadi kementerian ini akan terus bekerjasama dengan MDA untuk memantau secara berterusan berhubung perkara itu bagi memastikan peranti ini berkualiti (di pasaran)," katanya.





Covid-19 Antigen Rapid Test Kits are gazetted as controlled items. FILE PIC

#### ENSURING ADEQUATE SUPPLY

## GOVT TO LOOK INTO COVID TEST KIT PRICE

Govt also working to ensure RTKs meet medical standards, says minister

#### KUALA LUMPUR

**T**HE government is looking into the need to review the ceiling price for Covid-19 Antigen Rapid Test Kits (RTKs).

Domestic Trade and Consumer Affairs Minister Datuk Seri Alexander Nanta Linggi said the government had gazetted RTKs to ensure an adequate supply.

"The government takes into account the needs and interests of consumers, especially from the aspect of adequacy of supply in

the market, as well as getting face masks and self-test kits at prices that are not burdensome.

"Enforcement, inspection and monitoring by my ministry's Enforcement Division is always done on relevant items at every level, such as manufacturers, wholesalers and traders."

He said this during the ministers' question time in the Dewan Rakyat.

He said this in response to a question from Cha Kee Chin (PH-Rasah) on whether the ministry would review and reduce the ceiling prices for face masks and self-test kits, as well as set ceiling prices for oximeters and thermometers, which have become essential items.

Responding to Cha's suggestion regarding ceiling prices for oximeters and thermometers, Nanta said this would be imple-

mented if necessary.

To a supplementary question on the government's efforts to control the quality of products like face masks and self-test kit, Nanta said the ministry was evaluating the matter to ensure that the quality was of medical standards.

"Not only are prices monitored but also we want quality (standards) to be met.

"We are looking into it and will gazette the standards on quality later.

"In relation to the Covid-19 test kit earlier, the (medical standards) are under the jurisdiction of the MDA (Medical Device Authority) under the Health Ministry.

"So this ministry will continue to work with MDA to monitor the matter to ensure these devices are of quality." **Bernama**